

385/2
RUNYORO-RUTOORO
Orupapura rwa Kabiri
2024
Esaaha 2



UGANDA NATIONAL EXAMINATION BOARD

Uganda Certificate of Education

RUNYORO-RUTOORO

Orupapura rwa Kabiri

Esaaha ibiri

EBIRAAHONDERWA ABARUKUKAGUZIBWA:

*Orupapura runu rucwirwemu ebicweka **bisatu; A, B na C.***

*Garukamu ebikaguzo **byona** omu kicweka **A na B.***

*Omu Kicweka **C**, komamu ekikaguzo **kimu.***

*Ebigarukwamu ebirukukira hali ebi oragiirwe **tibirukwija** kukeberwa.*

Handiika ebigarukwamu byawe byona ha rupapura orundi orukuhairwe.

EKICWEKA A

KUSOMA

1. *Soma ekihandiiko ekikuhairwe nukwo ogarukemu ebikaguzo ebihondiireho.*

OBUGUUDA TUTAMANYA

Oralengereho kwetegereza buli kintu ekikwikara harubaju? Eby'obuhangwa guba mugisa mukooto ogu abaikazi baingi batamanya. Gavumenti n'ebitongole karwanirra nsi bakozere ekirukusoboka kwetegereziisa abantu habwaki nitwetaagisa kulinda ebintu ebitwetoroire baitu abarungi abamu omu matu bakacweramu ebiti ngu enyindo ziraahurra. Bintu bingi ebi twefeereza habw'obutamanya migaso yabyo.

Obu orumwa enda rundi okahurra omuswija, ekibiriizi kijungwa, okinywa otuutuka baitu hanyuma y'akaire obusinge bwija kandi endwara ekira.

Teekereza obu omuntu yakutemerwe enjoka hataroho kisaka akanywa akatanaka obusegu, obundi ekyaro kyona kyakuhoirehoga omu kiro kimu habwokuba neesobora kutema oli neegenda na kicweka bunanka na bunanka noosanga abarungi boona ebahwerekeriize.

Abakazi oyegomba omu byaro n'omu mbuga boona maani g'ebyobuhangwa. Amagita nyaburungi agoorobya omubiri buba buguuda obu tutamanya. Abandi timuketegerezaaga habwaki orora omuntu naasiiba omu kisaka naasoroma ekiro kyona atajwahire.

Amahanga nigasiiba nigatunga obuhumbi bwa sente kuruga omu bintu Ruhanga yabahaire. Baitu abandi titufaayo kusiima Nyamuhanga.

Abajungu banu baba bantu bembaganiza. Bo bakozesa buli mugisa batunga. Ebyobuhangwa bagufoora mugisa mukooto omu kuba n'obwomeezi bwomiire kurungi. Bagonza kwikara omu biikaro ebirukufuka nka ha bisaaru hamu n'omu bibira. Obundi n'omu nsozi naho osangayo amahoteeri nyaburungi agarukwegombesa. Obu oba noohika omu rubuga ebyombeko nyaburungi nibyo bikutangirra. Caali bagamba, "abatazimanya bazookya emihako". Abandi obu barora ebicweka nk'ebi, barwana bucweka ihembe kurora baabisiisa nibaterekereza ebicweka nambere barukwikara. Obuguuda tutamanya!

Habwaki ebisoro ebimu byacwiremu kwikara omu kisaka? Nibimanya ngu busaho kicweka kyona osobora kwikaramu okatungirayo obusinge kwihaho omu kisaka. Ebisoro ebimu kubireeta kwikara omu maka nibisobora kufa omu kiro kimu. Buli byokulya rundi buli kijuma ebyombeka omubiri byona biikara omu kisaka.

Baitu n'ekindi kakuba ebisoro ebi bitaratungiireyo obusinge bikacwamu kwikara omu maka, kiki ekyakubaireho? Teeramu akasisani orole enkende zooni ziizire kwikara omuka y'owanyu, mwakombekere enju y'ebisiika birukwingana ki kutunga omwanya ogurukubimara? Kinu kikaba

kitarukusoboka. Nahabweki abarungi nitwetaagisa kumanyirra kandi tukalinda obuguuda obu Mukama yatuhaire.

Ebikaguzo:

- (a) Kusigikirra hali omuhandiiki, buguuda ki obu abantu batamanya?
- (b) Habwaki ebisoro ebimu byacwiremu kwikara omu kisaka?
- (c) Kiki ekyakubaireho kakuba ebyobuhangwa byakubaire bitaroho?
- (d) Heereza enteekereza yaawe ha nyetwaza y'abantu abarukubazibwaho omu kihandiiko kinu ha byobuhangwa.

EKICWEKA B

KUFUNZA

2. *Funza ekihandiiko kinu nooyoleka ebireteerEza obutanDwa ha nguudo omu bigambo 50.*

Abantu abarukukira obwingi bakwasirweho habwa nyamwingi ya butandwa z'omu nguudo. Obumu z'amaani kandi zireetera abantu kufa. Omu meezi agahingwireho, kweyongera kwa butandwa kuhingiraniize emihendo y'enfuuzi n'enfaakati. Abantu bali omu kye kango hanyuma y'okuzonzoora ngu obwomeezi bwabo buli omu kabi k'amaani ha nguudo z'omu ihanga.

Akaire kanu nuko gavumenti ine kwekambira ensoga enu, ekateekaho obulyo kumaraho ekizibu kinu. Omu kaire k'enjura emotoka ezirukwiruka enziriga ey'amaani ha nguudo z'itaka, ezirumu esaabu n'obuterre nisisobora kwekulingura niziita abantu. Kanibyo ebi bagenzi muhurra abantu nibatebya, "Eki nikyo kyabaireho muhara w'omugurusi nanka kyamwiha omu nsi."

Noosanga ebiina bikooto omu nguudo, ezimu niziterra ezindi zifunzire, motoka ibiri tizirukusobora kurabaho ngana zitahuumiraine. Obumu abebembezi b'ebiikaro ebitali bimu na bimu bajunaanwa baitu abantu bebwa ngu omugufu nambere ahika nuho akwata. Emotoka ezirukugendera ha nziriga ey'amaani nisisobora kugwa kakuba dereeva ataba mwegendereza. Enguudo tiziri nungi n'akake. Abavugi b'ebiiruka ebindi n'ab'obugaali nibegondeza bonka kandi tibarukufaayo ha bwomeezi bw'abantu abandi abarukukozesa oruguudo. Kinu kirugirra ha ngamba yabo ngu baine obugabe kukozesa oruguudo nkooku barukugonza. Babinkwatiireki abahabisiibwe engamba egi bataire obwomeezi bwabo n'obw'abantu abandi omu kabi.

Obwire obumu ba dereeva tibali bokujunaana. Haroho abarukurubasa amaguru obu barubatira omu ruguudo hagati n'obundi bacwanganiza nibairuka kandi nibamalirra babatomiire. Obumu omusango bagutaaho dereeva amalirra atwairwe omu nkomo n'obundi aleha.

Abantu abandi batakecamwire n'ebitokooza bwongo, tibavuga biiruka byabo. Kinu kifookere kikorwa kya buli kiro nk'okujwara engoye. Babanza banywa n'amaiso gabagunuka nukwo boolekeza ebiiruka omu nguudo. Haroho abeega, kakuba avugamu ekiiruka ebiro bisatu agamba, "kihoire na kaadi y'abeegere kuvuga noobu baraaba batampaire, busaho aranyiha ha kuvuga ekiiruka kinu!" Mbagambire ki bataahi? Banu nubo abakyakizire kukora butandwa ha nguudo.

Osanga abantu abamu nibehaisa ngu kupakira bakakusomerra, noosanga abantu babafuutiikire n'ensaho z'ebicooli mpora. Kanuho omu kuhutaara kurugirra!

EKICWEKA C

EBYOBUHANGWA

Komamu ekikaguzo kimu.

Kinu

3. Omunywani waawe ise amwimire ekibanja eki abaire naayenda bamuhe nukwo akitunde. Hati acwiremu kuruga omu ruganda. Handiika noomuhabura.

Rundi

4. Muto waawe atungire omwisiki ou arukwenda kuswera, yamuleeta omu ka kumwoleka abazaire, baakizoorA ngu omwisiki w'oruganda rumu na nyina w'omwojo kandi baabahabura baleke kuswerangana baitu bo bakyayangire. Habura abaantu banu.